

IVERMEKTIN OG BENZYLBENZOAT VED SKABBEHANDLING

KVA ER SKABB ?

Skabb er ein midd som lever og legg egg i gongar som han grev i det øvste hudlaget.

KORLEIS SMITTAR SKABB?

Skabb kan smitte ved direkte hudkontakt, ved seksuell kontakt og i ein skilde tilfelle via tekstilar. Midden trivst best i varmt miljø som til dømes i ei seng. Lege kan stille diagnosen ved å finne skabbmidden i huda og påvise han i mikroskop. Skabbmidden måler 0,3-0,5 mm.

SYMPTOM

Det vanlegaste symptomet er sterkt kløe som hjå dei fleste blir verre om kvelden og om natta. Kløen startar som regel 4-5 veker etter smitte. Ein kan ikkje sjå sjølv skabbmidden utan mikroskop, men dei fleste får eit raudt utslett, oftast mellom fingrane, på handleddene, olbogane, rundt midja, på låra og kjønnsorgana.

Ved mistanke om skabb bør du kontakte lege som kan finne skabbmidd og stille diagnosen.

BEHANDLING

Benzylbenzoat liniment får du kjøpt reseptfritt på apoteket. Barn over 2 månader – 7 år skal bruke fortynna opplysning og dette skal gjerast i samråd med lege. Gravide blir tilrådde å bruke Permetrin krem. Ver merksam på at Benzylbenzoat har sterkt lukt.

Legen din har bestemt at du i tillegg til Benzylbenzoat også skal bruke ivermektintablettar.

MÅ ANDRE NÆRKONTAKTAR BEHANDLAST?

Personar du har nærekontakt med bør behandlast sjølv om dei ikkje klør. Med nærekontakt meiner vi alle i husstanden og andre som du har delt seng, handkle og liknande med.

Alle i husstanden bør ta behandling på same tid, dette gjeld også viss du bur i kollektiv.

Planlegg behandlinga og set av nok tid til følgande:

- Ta av sengetøy og følg prosedyren under punktvis.
- Klipp og reingjer negler
- Dusj og tørk hår og hovudbotn med hårfønar.
- Smør Benzylbenzoat på i eit tynt lag over hele kroppen inkludert hovudbotn og ansikt. Husk å smørje nøye mellom fingrar og tær, under negler, i armholer, inni alle krokar i øyrene, rygg, navle, brystvorter, kjønnsdelane og omkring endetarmsopninga / anus.
- Hos menn: Smør under forhud og på glans penis (legen finn ofte skabb der). Ved mykje svie på glans penis, kan Permetrin krem brukast på dette området.
- Hos kvinner: Smør alle område med hårekst genitalt, også mellom ytre kjønnslepper. Skal **IKKJE** smørjast på slimhinner!

Smørjinga skal gjentakast totalt 3 gongar med Benzylbenzoat med tørketid på 5 minuttar mellom kvar smørjing. Du må ha nok liniment til å dekke heile kroppen. Det kan vere behov for fleire flasker per person avhengig av storleik og hårekst. Du treng også ekstra liniment til ettersmørjing ved toalettbesøk og handvask.

Du skal bruke ivermektin tabletter samstundes med benzylbenzoat. Ein skal ikkje ete to timer før og to timer etter inntak av tabletene, men ein kan drikke vatn.

- Etter at du har smurt deg inn tar du på deg reint undertøy/nattøy og har det på deg i 24 timer.
- Bruk bomullshanskars den tida behandlinga varer. Dersom du MÅ vaske hendene i løpet av behandlingstida, må hendene smørjast inn på nytt, men då berre 1 gong. **MEN:** Helst unngå handvask, bruk i staden plasthanskars utanpå dei kvite bomullshanskane ved ex. toalettbesøk.

- Etter 24 timer dusjar eller badar du på nytt og byter undertøy og sengetøy.
- Gjenta behandlinga med Benzylbenzoat og tabletta etter 7 dagar! Følg same prosedyre.

KVA SKAL GJERAST I HEIMEN?

Skabben dører etter 6 døgn når han ikkje er i kontakt med hud, men også om han blir utsett for svært høg temperatur. Her er råd for å hindre smitte på nytt:

- Vask alt av klede, handkle, sengetøy, kosedyr, pledd, dyner og puter du har vore i kontakt med dei siste 7 dagane på 60 grader. Tøy som ikkje toler vask på 60 grader skal leggast vekk i 7 dagar i romtemperatur (til du har avslutta andre behandling med krem).
- Ta mobildekselet av mobilen og legg det bort i 7 dagar.
- Sko som har vore i bruk dei siste 7 dagar sett du bort i 7 dagar. Hugs at dette også gjeld for sports- og arbeidstøy/sko.
- Støvsug seng og madrass som eit minimum. Snu overmadrassen eller dekk madrassen med plast eller la han stå ubrukt i 7 dagar.
- Sofa/kontorstol/bilsete skal støvsuges grundig. Den/dei kan dekkes med plast eller stå ubrukt i 7 dagar.
- Frysing av klede, tekstiler og sko kan vurderast, men effekten av frysing avheng av temperatur, tid og kor tett pakka kleda som skal frysast er. For å oppnå effekt må gjenstandane vere gjennomfrosne i 24 timer ved låg temperatur (-18 grader), og kleda må ikkje vere for tett pakka.

KAN EG VERE SIKKER PÅ AT EG IKKJE HAR SKABB LENGER ?

Det er vanleg å klø i fleire veker sjølv om behandlinga har vore effektiv. Dersom du klør mykje etter behandlinga er avslutta, kan du dusje med olje og bruke en fuktikrem. Du kan også bruke ein svak kortisonsalve som du får kjøpt på apotek utan resept.

Dersom du mistenkjer at du ikkje har vorte frisk, må du oppsøkje lege på nytt.

LYKKE TIL!

Har du spørsmål kontakt fastlegen din eller FHI.no